



Republika e Kosovës
Republika Kosova-Republic of Kosovo
Qeveria - Vlada - Government

Këshilli i Ministrave për Reformën e Administratës Publike

PROCESVERBAL

i Takimit të dt. 15 Mars 2016 të

Komisionit Ministror të Reformës së Administratës Publike

Takimi i KMRAP është kryesuar nga Z. Mahir Yagcilar, Ministër i Administratës Publike

Ministri i Administratës Publike, Mahir Yagcilar, njëherësh kryesues i Këshillit Ministror të Reformës së Administratës Publike, hapi punimet e takimit të shtatë të radhës së Këshillit të Ministrave për Reformën e Administratës Publike ku theksoi se veçantia takimit është edhe prezantimi i projekt-kontratës për mbështetje sektoriale buxhetore.

Në takim pjesëmarrës ishin Ministri i Financave, Avdullah Hoti, zëvendësministri i Tregtisë dhe Industrisë, Avni Kastrati, zëvendësministri i Integrimit Evropian, Ramadan Ilazi si dhe pjesëmarrës nga njësitë e përfshira në kuadër të fushëveprimit të KMRAP nga radhët e shërbimit civil.

Gjatë takimit, u raportua për përmbushjen e obligimeve në procesin e reformës së administratës publike, që kanë të bëjnë me qeverisjen e mirë dhe me procesin e integrimit evropian, me qëllim të përmbushjes së parakushteve dhe obligimeve për të përfituar nga instrumenti i ri i përkrahjes buxhetore sektoriale, në kuadër të fondeve të para-anëtarësimit të dhëna nga BE-ja për Kosovën. Takimi u fokusua te konkluzionet e takimit të kaluar të KMRAP.

Pas fjalës hyrëse të Ministrit Yagcilar, u prezantuan pikat sipas agjendës së miratuar dhe u bënë diskutime rreth vendimeve dhe afateve që duhet vendosur për secilën prej tyre. U prezantua kontrata e reformës së sektorit e cila është dokumenti kryesor për përkrahjen buxhetore sektoriale si dhe afatet për disbursimin e mjeteve, si dhe çështjet e tjera sipas agjendës së miratuar.

Ministrit Yagcilar, theksoi meqenëse së Kosova përfiton përkrahje buxhetore sektoriale për herë të parë në kuadër të fondeve të para-anëtarësimit të dhëna nga BE-ja për Kosovën, është e rëndësishme që ne të arrijmë të dalim te suksesshëm që të vazhdojmë të kemi përsëri përkrahje në reformën e administratës publike si dhe në fushën e menaxhimit të financave publike ,gjithashtu duhet bërë edhe planifikimi për alokimin e mjeteve të nevojshme buxhetore në Kornizën Afatmesme të Shpenzimeve, me qëllim të përmbushjes së parakushteve për përfitimin nga fondet e Komisionit Evropian nëpërmjet përkrahjeve buxhetore sektoriale.

Gjatë takimit z. Florim Canolli, prezantoi variantin e fundit të projekt-kontratës për mbështetje sektoriale buxhetore duke vazhduar se gjatë vitit të kaluar MIE ka bërë dokumentin planifikues sektoriale për reformën e administratës publike dhe bazuar në treguesit e atij dokumentit janë miratuar në takimin e fundit të KMRAP-it. Në vijmë: tha se është zhvilluar kontrata e reformës së sektorit e cila do të jetë pjesë përbërëse e marrëveshjes financiare për IPA 2016 e cila nuk ka ndryshime të dukshme nga ana e treguesve dhe vlerave të përcaktuar për këta tregues për vite të cilat do zbatohen dhe të merren si obligime kontraktuale nga ana e Qeverisë së Kosovës. Ndryshimi i vetëm është sa i përket shumës financiare totale e cila është zbritë për shkak të një reduktimi të të gjithë asistencës së IPA-së për vitin 2016 nga ana e Komisionit Evropian, pra shuma fillestare ka qenë 28,5 milion ndërsa tani është zbrit 25 milion.

Ndryshimet e tjera kanë të bëjnë me përkrahjen totale të asistencës teknike, që është komplementare për përkrahjen buxhetor sektoriale, në këtë rast për të ruajtur do të thotë shumën fillestare të përkrahjen të drejtpërdrejt buxhetore sektoriale që ka qenë 22,5 milion, ndërsa shuma e asistencës teknike ka qenë 6 milion në kemi bërë reduktim ku kemi vendosur që vetëm 3 milion euro të përdoren si përkrahje komplementare nga shuma totale prej 25 milion ndërsa 22 milion të jenë pjesë e përkrahjes buxhetore sektoriale dhe të bëhen pjesë përbërëse e buxhetit. Ndryshime të tjera, konsistojnë në afate kohore të cilat i kemi ndarë më herët me grupin teknike që ka qenë pjesëmarrës në takimet tona ku alokimi i parë nga kjo përkrahje do të jepet në vitin 2017, është e pamundshme të jepet në vitin 2016 për shkak se programi IPA 2016 fillon zbatimin vetëm në vitin 2017 pas përfundimit të ratifikimit të marrëveshjes financiare të IPA –së për vitin 2016.

Më pastaj fjalën e mori Ministri Hoti, i cili përshëndeti të pranishmit, ku theksoi se një pjesë e madhe e këtyre indikatorëve janë përmbushur ose janë duke u përmbushur si dhe përgjegjësia për prezantimin para Komisionit Evropian bie mbi MIE, andej mos të kemi pritje të mëdha në proces të rishikimit buxhetit në qershor dhe as në buxhetin e vitit 2017 sepse kemi aq shumë prioritetë sa që do të jetë e vështirë për t' i ndarë 25 milion euro për t' u buxhetuar që t' i kompensojmë nga Komisioni Evropian në vitin 2018 Ministri Hoti njoftoi se MF është e gatshme që kur të përgatisin qarkoret për buxhetin 2017 dhe KASH për aq sa është mundësia do të krijoni hapësirë për organizata buxhetore për projekte të caktuara që t' i adresojnë këta indikatorë të cilët janë nxjerr.

Në vazhdim z. Lushtaku njoftoi se Ministria e Administratës Publike ka bërë të gjitha përgatitjet e nevojshme teknike, me qëllim të përmbushjes së parakushteve për përfitimin nga fondet e dhëna nga BE nëpërmjet përkrahjes buxhetore sektoriale, për dy shtyllat e para të reformës së administratës publike, si:

- i) **zhvillimi dhe koordinimi i politikave dhe**
- ii) **shërbimi civil.**

Ndërsa për shtyllën e tretë – **menaxhimi i financave publike**, pritet të kompletohet Korniza Strategjike për RAP gjatë vitit 2016, dhe pas përmbushjes së parakushteve të negociuara me BE-në, Kosova do të përfitojë raundin e dytë të përkrahjes buxhetore sektoriale, për të cilat nevojitet të merren vendime politike në Qeveri.

Më pastaj z. Tefik Mahmuti njoftoj se komisioni i përbashkët MAP-MF për klasifikimin e vendeve të punës, ka shqyrtuar të gjitha propozimet e institucioneve për klasifikim të vendeve të punës dhe i ka përcjell tek institucionet për komente, afat ky qe ka qen deri me dt. 10 mars 2016. Me marrjen e komenteve nga institucionet, me datë 15 (sot) dhe 16 Mars 2016, Komisioni do t'i shqyrtoj komentet e institucioneve. Me dt. 23 planifikohet te mbahet punëtori një ditore ne te cilën do te ftohen përfaqësues nga dy nivelet ai qendror e lokal ne veçanti përfaqësuesit nga ZKM, MI, MF. Me pas Komisioni do te përgatisë klasifikimin përfundimtar i cili do të dërgohet tek ministri i MAP-it dhe MF-it për miratim dhe deri me 15 Prill do të dërgohet në Qeveri për aprovim.

Pas diskutimeve të zhvilluara gjatë takimit, u arritën konkluzionet si në vijim:

KONKLUZIONET E DALA NGA TAKIMI I KËSHILLIT TË MINISTRAVE PËR REFORMË NË ADMINISTRATË PUBLIKE

1. Miratohen në parim kontrata e reformës së sektorit për administratën publike për përkrahje buxhetore sektoriale në variantin e propozuar dhe të dorëzuar nga Ministria e Integrimit Evropian te Komisioni Evropian. Për këtë qëllim, do të përgatitet një vendim përkatës që do të miratohet në Qeveri. Vendimi të përgatitet bashkërisht nga MIE, MF, ZKM dhe MAP dhe do të merr përsipër obligimet financiare për realizimin e treguesve të identifikuar në kontratë, në kuadër të KASH 2017-2019 dhe në kuadër të rishikimit të buxhetit për pjesën e dytë të vitit 2016.
2. Ministria e Administratës Publike dhe Zyra e Kryeministrit të angazhohen për ngritjen e kapaciteteve për Departamentin për Menaxhimin e Reformës së Administratës Publike, si dhe Zyrën për Planifikim Strategjik. Të shikohet mundësia për transferime të brendshme, duke identifikuar të punësuar nga skema e bursistëve të rinj, apo të shikohet mundësia e punësimit nga gjenerata e 10 e skemës së bursistëve të rinj, të cilët kthehen në vitin 2017. MAP dhe ZKM, vazhdojnë përpjekjet për këtë çështje dhe të diskutojnë me MIE mundësitë e ofruara.
3. Të vazhdojë bashkëpunimi me institucionet përkatëse për zbatimin kontratës për mbështetje sektoriale buxhetore në kuadër të IPA-së, si dhe gjatë rishikimit të KASH-it dhe të buxhetit për pjesën e dytë të këtij viti të përcaktohen dhe përfshihen shumat financiare te parapara në këtë kontratë.
4. MIE, ka propozuar që kësti i pare fiks i kontratës te jete ne vlere prej 7,2 milion , ndërsa vitet tjera këstet te jene nga 2milion për vitin 2018 dhe 2019 ,të cilat kushtëzohen nga zbatimi i kriterëve te përgjithshme te parapara ne këtë kontrate, ndërsa këstet variabile te cilat janë te lidhura me zbatimin e çdo treguesi qe gjithsej janë 9 treguese ne kuadër te kontratës të jenë ne shumë prej 3, 6 milion për tri vite radhazi.
5. DMRAP-i, të hartoj një kërkesë të qartë për ngritjen e kapaciteteve të stafit të departamentit.

Pjesëmarrës:

Anëtarët e KMRAP

1. z. Mahir Yagcilar, Ministër i MAP
2. z. Abdullah Hoti, Ministër i MF
3. Ramadan Ilazi, zv .Min (MIE)
4. z. Avni Kastrati, Zv. Ministër i MTI

Pjesëmarrës të tjerë:

Arton Berisha ,SP (MAP)
Naim Baftiu , SP(MF)
Skender Sallauka ,Këshilltar (MAP)
Ebru Zborca, Këshilltare (MAP)
Bardha Rustemi , Këshilltare(MAP)
Tefik Mahmuti, Drejtor (MAP)
Arben Krasniqi, Drejtor (ZKM)
Florim Canolli, Drejtor (MIE)
Valon Gashi, Drejtor (MAP)
Mërgim Lushtaku , Drejtor (MAP)
Driton Blakçori , (MAP)
Gafurr Hasani (MAP)
Visar Xani (MAP)
Ibadete Mehmeti (MAP)
Blerta Kelmendi(MAP)

Aneks:

Këtij procesverbali i bashkëngjitet edhe agjenda e takimit.



Republika e Kosovës
Republika Kosova-Republic of Kosovo
Qeveria - Vlada - Government

Këshilli i Ministrave për Reformën e Administratës Publike
(KMRAP)

15 mars 2016

Vendi: Ndërtesa e Qeverisë, sala P 37

Rendi i ditës

10.30 - 10.50	Fjala hyrëse <i>Mahir Yagcilar, Ministër i Administratës Publike dhe Kryesues i Këshillit të Ministrave për RAP</i>
10.50 - 11.00	Prezantimi i variantit të fundit të propozuar të kontratës së reformës së sektorit për administratën publike <i>Florim Canolli, Drejtor, Departamenti i Asistencës Zhvillimore, Ministria e Integrimit Evropian</i>
11:00 - 11:10	Prezantimi i progresit sa i përket raportit monitorues për zbatimin e kornizës strategjike <i>Mërgim Lushtaku, Drejtor, DIEKP, Ministria e Administratës Publike</i>
11:10 - 11:20	Prezantim i progresit sa i përket klasifikimit të vendeve të punës <i>Tefik Mahmuti, Drejtor, DASHC, Ministria e Administratës Publike</i>
11:20 - 11:50	Prezantim i kostos buxhetore për përmbushjen e treguesve të kontratës së reformës së sektorit për administratën publike / Diskutim <i>Ministria e Administratës Publike</i> <i>Zyra e Kryeministrit</i> <i>Ministria e Financave</i>
11:50 - 12:00	Prezantim sa i përket harmonizimit të strategjisë për menaxhimin e financave publike në KASH / Diskutim <i>Ministria e Financave</i>
12:00 – 12:10	Ngritja e kapaciteteve për Zyrën e Planifikimit Strategjik dhe Departamentin për Menaxhimin e Reformës së Administratës Publike nëpërmjet YCS / Diskutim
12:10 – 12:30	Çështje tjera për diskutim